

四庫全書

集部

欽定四庫全書

唐詩鏡卷二十六

明 陸時雍 編

盛唐第十八

杜甫 六

七言律詩

奉和賈至舍人早朝大明宮

自注云舍人
先世掌絲綸

五夜漏聲催曉箭
九重春色醉仙桃
旌旗日煖龍蛇動

宮殿風微燕雀高朝罷香煙攜滿袖詩成珠玉在揮毫
欲知世掌綵綸美池上于今有鳳毛

九重春色醉仙桃此一語意諸家少及三四意象
高遠景見言外詩成珠玉在揮毫一語三折筆氣
格最老旌旗日煖龍蛇動宮殿風微燕雀高景色
融和宮宇肅穆於此照出非為旌旗燕雀詠也結
語欲知于今一轉折
間使覺語氣深厚

宣政殿退朝晚出左掖

天門日射黃金榜春殿晴曛赤羽旗宮草霏霏承委珮
爐煙細細駐遊絲雲近蓬萊常五色雪殘鳩鵲亦多時

侍臣緩步歸青瑣退食從容出每遲

雲近蓬萊常五色意象極高雪殘鵲亦多時
隨意指點自成佳境此二語却似初唐格調

紫宸殿退朝口號

戶外昭容紫袖垂雙瞻御座引朝儀香飄合殿春風轉
花覆千官淑景移晝漏稀聞高閣報天顏有喜近臣知
宮中每出歸東省會送夔龍集鳳池

香飄合殿春風轉意象春容若將風香二字倒用
便屬小家數矣天顏有喜近臣知無限恩幸有味
外

題省中壁

掖垣竹埤梧十尋洞門對雪常陰陰
落花遊絲白日靜
鳴鳩乳燕青春深
腐儒衰晚謬通籍
退食遲迴違寸心
衰職曾無一字補
許身愧比雙南金

三四筆老而高且清
映絕色是金馬玉堂人語

曲江陪鄭八丈南史飲

雀啄江頭黃柳花
鷓鴣鷓鴣滿晴沙
自知白髮非春事
且盡芳樽戀物華
近侍即今難浪迹
比身那得更無家

大人才力猶強健，豈傍青門學種瓜。

佳在談笑而成，第六句暢情，
極倒結有隱隱自處意在。

曲江二首

一片花飛減却春，風飄萬點正愁人。
且看欲盡花經眼，莫厭傷多酒入脣。
江上小堂巢翡翠，苑邊高冢卧麒麟。
細推物理須行樂，何用浮名絆此身。

律法嚴整，老杜却顛倒縱橫，復體格森然，更得自在，所以為難。首四語情法俱勝，既怕看花飛，又欲看飛花之盡，傷春惜春，流連無已，嘗見志士悲秋，子美却傷春，千古有心人，每自耿耿。

朝回日日典春衣，每日江頭盡醉歸。
酒債尋常行處有，人生七十古來稀。
穿花蛺蝶深深見，點水蜻蜓款款飛。
傳語風光共流轉，暫時相賞莫相違。

首一語是腹料三
四縱橫意行言外

曲江對酒

苑外江頭坐不歸，水精春殿轉霏微。
桃花細逐楊花落，黃鳥時兼白鳥飛。
縱飲久拚人共棄，嬾朝真與世相違。
吏情更覺滄洲遠，老大徒傷未拂衣。

三四語入漫
興結語氣飽

曲江值雨

城上春雲覆苑牆，江亭晚色靜年芳。
林花著雨胭脂落，水荇牽風翠帶長。
龍武新軍深駐輦，芙蓉別殿漫焚香。
何時詔此金錢會，暫醉佳人錦瑟傍。

結入遣興此公有云一生懷抱向誰開當時
初授一官未能滿志直愁窮歎老結裏一生

題張氏隱居

春山無伴獨相求，伐木丁丁山更幽。
澗道餘寒歷冰雪

石門斜日到林丘不貪夜識金銀氣
遠害朝看麋鹿遊
乘興杳然迷出處對君疑是泛虛舟

三四景色自
然風格最老

鄭駙馬宴洞中

鄭潛曜虔姪也尚
玄宗臨晉公主

主家陰洞細烟霧留客夏簾青琅玕
春酒杯濃琥珀薄
冰漿椀碧碼碯寒悞疑茅堂過江麓
已入風磴霧雲端
自是春樓壓鄭谷時聞雜珮聲珊珊

春樓壓鄭

谷語生

城西陂泛舟

青蛾皓齒在樓船，橫笛短簫悲遠天。
春風自信牙樁動，遲日徐看錦纜牽。
魚吹細浪搖歌扇，燕蹴飛花落舞筵。
不有小舟能盪槳，百壺那送酒如泉。

三四畚客結

反掉有力

贈獻納起居田舍人澄

獻納司存雨露邊，地分清切任才賢。
舍人退食收封事，宮女開函近御筵。
曉漏追趨青瑣闥，晴牕點檢白雲篇。

揚雄更有河東賦唯待吹噓送上天

贈田九判官梁丘

崆峒使節下青霄河隴降王欵聖朝宛馬總肥春苜蓿
將軍只數漢嫖姚陳留玩瑤誰爭長京兆田郎早見招
麾下賴君才並入獨能無意向漁樵

贈韋七贊善

鄉里衣冠不乏賢杜陵韋曲未央前爾家最近魁三象

自注云斗魁下兩
兩相比為三台

時論同歸尺五天

自注云俚語曰城
南韋杜去天尺五

北走關山開雨雪南遊花柳塞風烟洞庭春色悲公子
蝦菜忘歸范蠡船

院中晚晴懷西郭茅舍

幕府秋風日夜清澹雲疎雨過高城葉心朱實堪時落
階面青苔先自生復有樓臺銜暮景不勞鐘鼓報新晴
浣花谿裏花饒笑肯信吾兼吏隱名

結入調笑自語自知既有久宦無成之感又有舉
世莫知之歎意却渾然此老杜擅長獨得處中聯
俱寂寞
語意

至日遣興奉寄北省舊閣老兩院故人

國史補
云兩省

呼為

閣老

去歲茲辰捧御牀五更三點入鵷行欲知趨走傷心地
正想氤氳滿眼香無路從容陪笑語有時顛倒著衣裳
何人錯憶窮愁日愁日愁隨一線長

結極跌

宕之妙

因許八奉寄江寧旻上人

不見旻公三十年封書寄與淚潺湲舊來好事今能否

老去新詩誰與傳
碁局動隨幽澗竹
袈裟憶上泛湖船
聞君話我為官在
頭白昏昏只醉眠

語極真素如觀面寒
溫結入調笑見情

暮登西安寺鐘樓寄裴十迪

暮倚高樓對雪峰
僧來不語自鳴鐘
孤城返照紅將斂
近市浮煙翠且重
多病獨愁常閨寂
故人相見未從容
知君苦思緣詩瘦
太向交游萬事慵

圖
熟

寄杜位

自注云位京中有宅
近西曲江詩尾有述

近聞寬法離新州想見歸懷尚百憂
逐客雖皆萬里去悲君已是十年流
干戈沉復塵隨眼鬢髮還應雪滿頭
玉壘題書心緒亂何時更得曲江遊

五六
裝句

王十七侍御掄許攜酒至草堂奉寄此詩便請
邀高三十五使君同到

老夫卧病朝慵起白屋寒多煖始開
江鶴巧當幽徑浴

鄰雞還過短牆來
繡衣屢許攜家釀
皂蓋能忘折野梅
戲假霜威促山簡
須成一醉習池回

三四野趣

霜

威促山簡語生

奉寄高常侍

汶上相逢年頗多
飛騰無那故人何
總戎楚蜀應全未
方駕曹劉不啻過
今日朝廷須汲黯
中原將帥憶廉頗
天涯春色催遲暮
別淚遙添錦水波

寄高常侍章侍御一一切

就本邑不假外情點綴

奉寄章十侍御

自注云時初罷梓州刺史東川留後將赴朝廷

淮海維揚一俊人，金章紫綬照青春。
指麾能事回天地，訓練強兵動鬼神。
湘西不得歸闕羽，河內猶宜借寇恂。
朝覲從容問幽側，勿云江漢有垂綸。

將赴成都草堂途中有作先寄嚴鄭公五首

得歸茅屋赴成都，真為文翁再剖符。
但使閭閻還揖讓，敢論松菊久荒蕪。
魚知丙穴由來美，酒憶郫筒不用沽。
五馬舊曾諳小徑，幾迴書札待潛夫。

三四語意老傑以

下道出喜意浮浮

處處清江帶白蘋故園猶得見殘春雪山斥候無兵馬
錦里逢迎有主人休怪兒童延俗客不教鵝鴨惱比鄰
習池未覺風流盡況復荊州賞更新

竹寒沙碧浣花谿橘刺藤梢咫尺迷過客徑須愁出入
居人不自解東西書籤藥裏封蛛網野店山橋送馬蹄
肯藉荒亭春草色先判一飲醉如泥

常苦沙崩損藥欄也從江檻落風湍新松恨不高千尺

惡竹應須斬萬竿，生理祇憑黃閣老。
衰顏欲付紫金丹，三年奔走空皮骨。
信有人間行路難。

三四老筆頓覺懷抱可想，結語喜極
追悲感，知己情深語，往往顛倒入妙。

錦官城西生事微，烏皮几在還思歸。
昔去為憂亂兵入，今來已恐鄰人非。
側身天地更懷古，回首風塵甘息機。
其說總戎雲鳥陣，不妨遊子芟荷衣。

五六披寫本懷痛癢自
悉高襟老氣令人可仰

舍弟觀赴藍田取妻子到江陵喜寄

馬度秦山雪正深
北來肌骨苦寒侵
他鄉就我生春色
故國移居見客心
歡劇提攜如意舞
喜多行坐白頭吟
巡簷索共梅花笑
冷蘂疎枝半不禁

三四好深

情款語

庾信羅含俱有宅
春來秋去作誰家
短牆若在從殘草
喬木如存可假花
卜築應同蔣詡徑
為園須似邵平瓜
比年病酒開涓滴
弟勸兄酬何怨嗟

閒中

托契

陪李七司馬皂江上觀造竹橋即日成往來之
人免冬寒入水聊題短作奉簡李公

伐竹為橋結構同褰裳不涉往來通天寒白鶴歸華表
日落青龍見水中顧我老非題柱客知君才是濟川功

合歡却笑千年事驅石何時到海東

合歡有作
合觀者非

老氣可尚第四
語稍落晚徑

將赴荆南寄別李劍州弟

使君高義驅今古寥落三年坐劍州但見文翁能化俗

馬知李廣未封侯
路經滌灑瀕雙蓬
鬢天入滄浪一釣舟
戎馬相逢更何日
春風回首仲宣樓

天入滄浪一釣舟
天字却是落閒

送鄭十八虔貶台州司戶傷其臨老陷賊之故
闕為面別情見於詩

鄭公樗散鬢如絲
酒後常稱老畫師
萬里傷心嚴譴日
百年垂死中興時
倉惶已就長途往
邂逅無端出餞遲
便與先生應永訣
九重泉路盡交期

一住

情注

長沙送李十一銜

與子避地西康州
洞庭相逢十二秋
遠媿尚方曾賜履
竟非吾土倦登樓
久存膠漆應難並
一辱泥塗遂晚收
李杜齊名真忝竊
朔雲寒菊倍離憂

送韓十四江東覲省

兵戈不見老萊衣
歎息人間萬事非
我已無家尋弟妹
君今何處訪庭闈
黃牛峽靜灘聲轉
白馬江寒樹影稀

此別應須各努力故鄉猶恐未同歸

九日藍田崔氏莊

老去悲秋強自寬興來今日盡君歡羞將短髮還吹帽
笑倩傍人為正冠藍水遠從千澗落玉山高並兩峰寒
明年此會知誰健醉把茱萸仔細看

一起二語意凡幾折三四不勝傷感與時俯仰之情楊誠齋謂翻案為奇非也孟嘉何嘗以落帽為風流子美又何嘗以不落帽為風流耶五六雄高氣與寒山相敵結語傷慨留連味之不盡

嚴中丞仲夏枉駕草堂兼攜酒饌得寒字

竹裏行厨洗玉盤花邊立馬簇金鞍非關使者徵求急
自識將軍禮數寬百年地僻柴門迴五月江深草閣寒
看弄漁舟移白日老農何有罄交歡

涪城縣香積寺官閣

寺下春江深不流山腰官閣迴添愁含風翠壁孤雲細
昔日丹楓萬木稠小院回廊春寂寂浴鳧飛鷺晚悠悠
諸天合在藤蘿外昏黑應須到上頭

五六是岑寂中語
結意故入遺懷

登樓

花近高樓傷客心萬方多難此登臨
錦江春色來天地
玉壘浮雲變古今北極朝廷終不改
西山寇盜莫相侵
可憐後主還祠廟日暮聊為梁甫吟

三四空頭且帶俚氣凡說豪說霸說高說大說奇說怪皆非本色皆來人憎第五句有疵結二語渾渾大

滕王亭子

自注云亭在玉臺觀內王曾典此州

君王臺榭枕巴山萬丈丹梯尚可攀
春日鶯啼修竹裏

仙家犬吠白雲間，清江碧石傷心麗。嫩蘂濃花滿目斑，人到于今歌出收來遊此地不知還。

玉臺觀

自注云
滕王造

中天積翠玉臺遙，上帝高居絳節朝。遂有馮夷來擊鼓，始知嬴女善吹簫。江光隱見鼉鼉窟，石勢參差烏鵲橋。更有紅顏生羽翰，便應黃髮老漁樵。

三四寫得活遂有始
知覺此境宛然在目

灩澦

滌灑既沒孤根深西來水多愁太陰江天漠漠鳥雙去
風雨時時龍一吟舟人漁子歌回首估客胡商淚滿襟
寄語舟航惡年少休翻鹽井橫黃金

三四語有概其曰
雙去却剛是雙去

江陵節度使陽城郡王新樓成請嚴侍御判官

賦七字句同作

樓上炎天冰雪生高飛燕雀賀新成碧牕宿霧濛濛濕
朱棋浮雲細細輕杖鉞褰帷瞻具美投壺散帙有餘清

自公多暇延參佐江漢風流萬古情

又作此奉衛王

西北樓成雄楚都遠開山岳散江湖二儀清濁還高下
三伏炎蒸定有無推轂幾年惟鎮靜曳居終日盛文儒
白頭授簡焉能賦媿似相如為大夫

三四意想佳然碧

意二語求得實在

巖中丞枉駕見過

自注云巖自東川除西
川牧今兩川都節制

元戎小隊出郊坰問柳尋花到野亭川合東西瞻使節

地分南北任浮萍扁舟不獨如張翰皂帽應兼似管寧
寂寞江天雲霧裏何人道有少微星

五六

老氣

客至

自注云喜崔明府相過

舍南舍北皆春水但見羣鷗日日來花徑不曾緣客掃
蓬門今始為君開盤餐市遠無兼味樽酒家貧只舊醅
肯與鄰翁相對飲隔籬呼取盡餘杯

村朴趣

村朴語

賓至

幽棲地僻經過少老病人扶再拜難豈有文章驚海內
漫勞車馬駐江干竟日淹留佳客坐百年麤糲腐儒餐
不嫌野外無供給乘興還來看藥欄

三四
矜負

卜居

按鮑文壹云公至成都節度裴冕
為公卜成都西郭先花谿作草堂

浣花谿水西頭主人為卜林塘幽已知出郭少塵事
更有澄江銷客愁無數蜻蜓齊上下一雙鷓鴣對沈浮

東行萬里堪乘興須向山陰上小舟

五六語帶愁來
結有更卜之意

堂成

背郭堂成蔭白茅緣江路熟俯青郊
檜林礙日吟風葉

自注云檜木名不材可充
薪而已惟蜀地最宜種

籠竹和煙滴露梢暫上飛鳥

將數子頻來語燕定新巢
旁人錯比揚雄宅
嬾惰無心作解嘲

結意悶悶調笑
自遣意況深沉

江村

清江一曲抱村流，長夏江村事事幽。
自去自來梁上燕，相親相近水中鷗。
老妻畫紙為棋局，稚子敲針作釣鉤。
多病所須惟藥物，微軀此外更何求。

自生

幽興

南鄰

錦里先生烏角巾，園收芋栗未全貧。
慣看賓客兒童喜，得食階除鳥雀馴。
秋水纔深四五尺，野艇

音廷

恰受兩三

人白沙翠竹江村暮相送柴門月色新

艇今本
改航非

五六清微入

摩詰意象

進艇

南京久客耕南畝北望傷神坐北牕
晝引老妻乘小艇晴看稚子浴清江
俱飛蛺蝶元相逐並蒂芙蓉本自雙
茗飲蔗漿攜所有瓷甕無謝玉為缸

善自遣者 老杜嘗云老去詩篇渾漫興
篇中得此居多 古人善於託言唐人長於漫興

即事

暮春三月巫峽長
晶晶行雲浮日光
雷聲忽送千峰雨
花氣渾如百和香
黃鶯過水翻迴去
燕子銜泥濕不妨
飛閣卷簾圖畫裏
虛無只少對瀟湘

後四語似楚歌越吟
常是造愁漫興所為

野望

西山白雪三城戍
南浦清江萬里橋
海內風塵諸弟隔
天涯涕淚一身遙
唯將遲暮供多病
未有涓埃答聖朝
跨馬出郊時極目
不堪人事日蕭條

後四語率

懷據寫

黃草

黃草峽西船不歸赤甲山下行人稀
秦中驛使無消息蜀道兵戈有是非
萬里秋風吹錦水誰家別淚濕羅衣
莫愁劔閣終難據聞道松州已被圍

中聯老

氣橫秋

即事

天畔羣山孤草亭江中風浪雨冥冥
一雙白魚不受釣

三寸黃柑猶自青多病長卿無日起窮途阮籍幾時醒
未聞細柳散金甲腸斷秦川流濁涇

三四語

悶情

狂夫

萬里橋西一草堂百花潭水即滄浪風含翠篠娟娟淨
雨裊紅蕖冉冉香厚祿故人書斷絕恒饑稚子色淒涼
欲填溝壑唯踈放自笑狂夫老更狂

結二語本色痛快

令千載想見如對

暮歸

霜黃碧梧白鶴栖城上擊柝復烏啼客子入門月皎皎
誰家搥練風淒淒南渡桂水闕舟楫北歸秦川多鼓鞞
年過半百不稱意明日看雲還杖藜

三四語
入騷意

小寒食舟中作

佳辰強飲食猶寒隱几蕭條戴鶖冠春水船如天上坐
老年花似霧中看娟娟戲蝶過閒慢片片輕鷗下急湍

雲白山青萬餘里
愁看直北是長安

臘日

臘日長年煖尚遙
今年臘日凍全消
侵凌雪色還萱草
漏洩春光有柳條
縱酒欲謀良夜醉
還家初散紫宸朝
口脂面藥隨恩澤
翠管銀罌下九霄

三四風

味老

九日

去年登高鄆縣北
今日重在涪江濱
苦遭白髮不相放

羞見黃花無數新
世亂鬱鬱久為客
路難悠悠常傍人
酒闌却憶十年事
腸斷驪山清路塵

中聯語

句清硬

十二月一日

今朝臘月春意動
雲安縣前江可憐
一聲何處送書鴈
百丈誰家上瀨船
未將梅蘂驚愁眼
更取椒花媚遠天
明光起草人所羨
肺病幾時朝日邊

三四悽

清欲絕

即看燕子入山扉
豈有黃鸝歷翠微
短短桃花臨水岸
輕輕柳絮點人衣
春來準擬開懷久
老去親知見面稀
他日一杯難強進
重嗟筋力故山違

九日

風急天高猿嘯哀
渚清沙白鳥飛迴
無邊落木蕭蕭下
不盡長江滾滾來
萬里悲秋常作客
百年多病獨登臺
艱難苦恨繁霜鬢
潦倒新停濁酒杯

三四是愁緒語無邊不
盡語灑落下多一字

夜

露下天高秋氣清空山獨夜旅魂驚疎燈自照孤帆宿
新月猶懸雙杵鳴南菊再逢人卧病北書不至鴈無情

步檐倚杖看牛斗銀漢遙應接鳳城

檐世本作檐非

三四意格高迴下句更勝此語當一氣讀下

吹笛

吹笛秋山風月清誰家巧作斷腸聲風飄律呂相和切
月傍關山幾處明胡騎中宵堪北走武陵一曲想南征

故園楊柳今搖落何得愁中却盡生

結二語故國關情有此千條
萬縷用巧不見乃為大家

燕子來舟中作

湖南為客動經春燕子銜泥兩度新
舊入故園嘗識主如今社日遠看人
可憐處處巢居室何異飄飄託此身
暫語船檣還起去穿花落水益霑巾

情緒
依依

野人送櫻桃

西蜀櫻桃也自紅野人相贈滿筠籠數回細寫愁仍破
萬顆勾圓訝許同憶昨賜霑門下省退朝學出大明宮
金盤玉筋無消息此日嘗新任轉蓬

見螢火

巫山秋夜螢火飛簾疎巧入坐人衣忽驚屋裏琴書冷
復亂簷前星宿稀却繞井欄添箇箇偶經花葉弄輝輝
滄江白髮愁看汝來歲如今歸未歸

大家樣
澹蕩而傷
結

曉發公安數月憩息此縣

北城擊柝復欲罷東方明星亦不遲
鄰雞野哭如昨日物色生態能幾時
舟楫眇然自此去江湖遠適無前期
出門轉盼已陳迹藥餌扶吾隨所之

此以古詩
行七律者

附闕夜歲暮陰陽催短景天涯霜雪霽寒宵五更
鼓角聲悲壯三峽星河影動搖野哭千家聞戰伐夷
歌幾處起漁樵卧龍躍馬終黃土人
事音書漫寂寥三四意盡無餘

附詠懷古跡支離東北風塵際漂泊西南天地間
三峽樓臺淹日月五谿衣服共雲山獨胡事主終無

賴詞客哀時且未選度信平
生最蕭瑟暮年詩賦動江關


附諸將 漢朝陵墓對南山胡虜千秋尚入關昨日
玉魚蒙葬地 早時金盞出人間見愁汗馬西戎逼曾
閃朱旗北斗間多少材官守涇渭將軍且
莫破愁顏 諸將五首多以議論行詩

附秋興八首 玉露凋傷楓樹林巫山巫峽氣蕭森
江間波浪兼天湧塞上風雲接地陰叢菊兩開他日
淚孤舟一繫故園心寒衣處處催刀尺白帝城高急
暮砧 夔府孤城落日斜每依北斗望京華聽猿實
下三聲淚奉使虛隨八月槎畫省香爐違伏枕山樓
粉堞隱悲笳請看石上藤蘿月已映洲前蘆荻花
千家山郭靜朝暉日日江樓坐翠微信宿漁人還汎
汎清秋燕子故飛飛匡衡抗疏功名薄劉向傳經心
事違同學少年多不賤五陵衣馬自輕肥 聞道長
安似奕棋百年世事不勝悲王侯第宅皆新主文武

衣冠異昔時直北關山金鼓振征西車馬羽書遲魚
龍寂寞秋江冷故國平居有所思蓬萊宮闕對南
山承露金莖霄漢間西望瑤池降王母東來紫氣滿
函闌雲移雉尾開宮扇日繞龍鱗識聖顏一卧滄江
驚歲晚幾回青瑣點朝班瞿唐峽口曲江頭萬里
風煙接素秋花萼夾城通御氣芙蓉小苑入邊愁珠
簾繡柱圍黃鵠錦纜牙樯起白鷗回首可憐歌舞地
秦中自古帝王州昆明池水漢時功武帝旌旗在
眼中織女機絲虛夜月石鯨鱗甲動扶風波漂菰米
沈雲黑露冷蓮房墜粉紅關塞極天唯鳥道江湖滿
地一漁翁昆吾御宿自達迤紫閣峯陰入漢陂香
稻啄餘鸚鵡粒碧梧棲老鳳凰枝佳人拾翠春相問
仙侶同舟晚更移綵筆昔曾干氣象白頭吟望苦低
垂秋興八首語氣鄭重非其至佳之作人有謂正
愛其重自來風雅騷歌未見有重者塞上風雲接
地陰此地字下來不得孤舟一繫故園心一字亦強

聽猿實下三聲淚因猿三叫斷腸遂下三聲淚此已
不老奉使虛隨八月槎無論乘槎非張騫子美是時
非奉使也蘿蘿月蘆荻花可去其一關塞
極天唯鳥道江湖滿地一漁翁句亦有疵

附白帝城最高樓城尖徑仄旌旒愁獨立縹緲之
飛樓映岌雲霧龍虎睡江清日抱龜鼉遊扶桑西枝
掛斷石弱水東影隨長流杖藜
數世者誰子泣血進空回白頭



唐詩鏡卷二十六

欽定四庫全書

集部

唐詩鏡卷二十七至二十九

詳校官庶吉士臣范逢恩

主事銜臣徐以坤覆勘

總校官編修臣王燕緒

校對官編修臣張燾

謄錄監生臣陳雷

欽定四庫全書

唐詩鏡卷二十七

明 陸時雍 編

盛唐第十九

杜甫

七

五言排律

投哥舒開府翰二十韻

今代麒麟閣何人第一功
君王自神武駕馭必英雄
開

府當朝傑論兵邁古風先鋒百勝在略地兩隅空青海
無傳箭天山早挂弓廉頗仍走敵魏絳已和戎每惜河
湟棄新兼節制通智謀垂睿想出入冠諸公日月低秦
樹乾坤統漢宮胡人愁逐北宛馬又從東受命邊沙遠
歸來御席同軒墀曾寵鶴畋獵舊非熊茅土加名數山
河誓始終策行遺戰伐契合動昭融勲業青冥上交親
氣槩中未為珠履客已見白頭翁壯節初題柱生涯獨
轉蓬幾年春草歇今日暮途窮軍事留孫楚行間識呂

蒙防身一長劔將欲倚崆峒

一起掀揭

軒墀

曾寵鶴語宛而刺

贈韋左丞丈濟

自注云濟之兄
洵亦為給事中

左轄頻虛位今年得舊儒
相門韋氏在經術漢臣須
時議歸前列天倫恨莫俱
鴿原荒宿草鳳沼接亨衢
有客雖安命衰容豈壯夫
家人憂几杖甲子混泥塗
不謂矜餘力還來謁大巫
歲寒仍顧遇日暮且踟躕
老驥思千里饑鷹待一呼
君能微感激亦足慰榛蕪

甲子混泥塗用事

不亮混字亦欠老

贈王二十侍御契四十韻

往往雖相見飄飄媿此身不關輕絨冕俱是避風塵一
別星橋夜三移斗柄春敗亡非赤壁奔走為黃巾子去
何瀟灑余藏異隱淪書成無過鴈衣故有懸鷄恐懼行
裝數伶俜卧疾頻晚鶯工迸淚秋月解傷神會面嗟薰
黑含悽話苦辛接輿還入楚王粲不歸秦錦里殘丹竈
花谿得釣綸消中祇自惜晚起索誰親伏柱聞周史乘

槎有漢臣鴻鴻不易狎龍虎未宜馴客即挂冠至交非
傾蓋新由來意氣合直取性情真浪跡同生死無心恥
賤貧偶然存蔗芋幸各對松筠麕飯依他日窮愁怪此
辰女長裁褐穩男大卷書勻滿口江如練蠶崖雪似銀
名園當翠嶽野棹沒青蘋屢喜王侯宅時邀江海人追
隨不覺晚款曲動彌旬但使芝蘭秀何須棟宇鄰山陽
無俗物鄭驛正留賓出入並鞍馬光輝忝席珍重遊先
主廟更歷少城闌石鏡通幽鬼琴臺隱絳脣送終惟蠹

土結愛獨荆榛置酒高林下觀碁積水濱區區甘累跣
古典切 稍稍息勞筋網聚粘圓脚絲繁煮細葺長歌敲
胝也

柳瘦小睡凭藤輪農月須知課田家敢忘勤浮生難去
食良會惜清晨列國兵戈暗今王德教淳要聞除狻猊
音乙愈獸 休作畫麒麟洗眼看輕薄虛懷任屈伸莫令
名能食人 膠漆地萬古重雷陳

遣悶奉呈嚴鄭公二十韻

白水漁竿客清秋鶴髮翁胡為來幕下祗合在舟中黃

卷真如律青袍也自公老妻憂坐痺幼女問頭風平地
專敬倒分曹失異同禮甘衰力就義忝上官通疇昔論
詩早光輝仗鉞雄寬容存性拙剪拂念途窮裒露思藤
架煙霏想桂叢信然龜觸網直作鳥窺籠西嶺紆村北
南江繞舍東竹皮寒舊翠椒實雨新紅浪簸船應坼杯
乾窺即空藩籬生野徑斤斧任樵童束縛酬知己蹉跎
効小忠周防期稍稍太簡遂忽忽曉入朱扉啓昏歸畫
角終不成尋別業未敢息微躬烏鵲愁銀漢駕駘怕錦

懔會希全物色時
故倚梧桐

秋日夔府詠懷奉寄鄭監李賓客一百韻

鄭審
李之

芳
也

絕塞烏蠻北孤城白帝邊
飄零仍百里消渴已三年
雄劍鳴開匣羣書滿繫船
亂離心不展衰謝日蕭然
筋力妻孥問菁華歲月遷
登臨多物色陶冶賴詩篇
峽束滄江起巖排石樹圓
拂雲霾楚氣潮海蹴吳天
煮井為鹽速燒畬度地偏
有時驚疊嶂何處覓平川
鷓鴣雙雙舞

獼猴壘壘懸碧蘿長似帶錦石小如錢春草何曾歇寒
花亦可憐獵人吹戍火野店引山泉喚起搔頭急扶行
幾枝穿西京猶薄產四海絕隨肩幕府初交辟郎官幸
備員瓜時猶旅寓萍泛若黃緣藥餌虛狼藉秋風洒靜便
開襟驅瘴癘明目掃雲煙高宴諸侯禮佳人上客前哀
箏傷老大華屋豔神仙南內開元曲常時弟子傳法
歌聲變轉滿座淚潺湲

自注云都督柏中丞筵
聞梨園弟子李仙奴歌

甲影變

州僻回腸杜曲煎即今龍廐水

自注云西京龍廐門苑
馬門也渭水流苑門內

莫帶犬戎羶，耿賈扶王室。蕭曹拱御筵，乘威滅蜂蠆。戮力效鷹鷂，舊物森猶在。凶徒惡未悛，國須行戰伐。人憶止戈鋌，奴僕何知禮。恩榮錯與權，胡星一彗孛。黔首遂拘攣，哀痛絲綸切。煩苛法令蠲，業成陳始王。兆喜出于畋，宮禁經綸密。台階翌戴全，熊羆載呂望。鴻鴈美周宣，側聽中興主。長吟不世賢，音徽一柱數。道里下牢干。注自

云鄭在江陵李在夷陵

鄭李光時論文章並我先，陰何尚清省。沈

宋歛，聯翩律比崑崙竹。音知燥濕絃，風流俱善價。愜當

久忘筌置驛常如此登龍蓋有馬雖云隔禮數不敢墜
周旋高視收人表虛心味道玄馬來皆汗血鶴唳必青
田羽翼高山起蓬萊漢閣連管寧紗帽淨江令錦袍鮮
東郡時題壁南湖日扣舷遠遊凌絕境佳句染華牋每
欲孤飛去徒為百慮牽生涯已寥落國步尚迤邐衾枕
成蕪沒池塘作弃捐

自注云平生多病卜築遺懷因遣
亂離故寢處安之地皆蕪沒棄

損也

別離憂怛怛伏臘涕漣漣露菊班豐鎬秋菰影澗澗
共誰論昔事幾處有新阡富貴空回首喧爭懶著鞭兵

戈塵漠漠江漢月娟娟局促看秋燕蕭疎聽晚蟬彫蟲
蒙記憶烹鯉問沈綿卜羨君平杖屨存子敬鸞囊空把
釵釧米盡拆花鈿甘子陰涼葉茅齋八九椽陣圖沙北

岸市暨漢西巔

自注云市暨夔人語也市井泊船處謂
之市暨江水橫通曲分處居人謂之漢

羈絆心常折棲遲病即痊紫收岷嶺茅白種陸池蓮色
好梨勝頰穰多粟過拳勅厨唯一味求飽或三鱸兒去
看魚笥人來坐馬鵝縛柴門窄窄通竹溜涓涓塹抵公
畦稜

魯鄧切

村依野廟孺缺籬將棘拒倒石賴藤纏借問

頻朝謁何如穩晝眠誰云行不逮自覺坐能堅霧雨銀
章澀馨香粉署妍紫鸞無遠近黃雀任翩翩困學違從
衆明公各勉旃聲華夾宸極早晚到星躔懇諫留匡鼎
諸儒引服虔不逢輸鯁直會是正陶甄宵旰憂虞軫黎
元疾苦駢雲臺終日畫青簡為誰編行路難何有招尋
興已專由來具飛檝暫擬控鳴弦身許雙峯寺門求七
祖禪落帆追宿昔衣褐向真詮安石名高晉自注云鄭高簡得謝
太傅昭王客赴燕自注云李宗親有燕途中非阮籍查
之風昭之美燕周之裔也

上似張騫披拂雲寧在淹留景不延風期終破浪水恠
莫飛涎他日辭神女傷春怯杜鵑淡文隨聚散澤國遶
迴旋本自依伽葉何曾藉倥佗鑪峰生轉盼橘井尚高寒
東走窮歸鶴南征盡跼鳶晚聞多妙教卒踐塞前愆顧
凱丹青列頭陀琬琰鑑衆香深黯黯幾地肅芊芊勇猛
為心極清羸任體孱金篋空刮眼鏡象未離銓

兩旋兩銓

如此長篇
可觀不窘

送楊六判官使西蕃

送遠秋風落西征海氣寒帝京氛祲滿人世別離難絕

域遙懷怒和親願結歡救書憐贊普

吐蕃謂君長為贊普

兵甲望

長安宣命前程急惟良待士寬子雲清自守今日起為
官垂淚方投筆傷時即據鞍儒衣山鳥恠漢節野童看
邊酒排金盃夷歌捧玉盤草肥蕃馬健雪重拂廬乾慎爾
參籌畫從茲正羽翰歸來權可取九萬一朝搏

兵甲望長安

最得情景

王閻州筵奉酬十一舅惜別之作

萬壑樹聲滿千崖秋氣高浮舟出郡郭別酒寄江濤良
會不復久此生何太勞窮愁但有骨羣盜尚如毛吾舅
惜分手使君寒贈袍沙頭暮黃鵠失侶亦哀號

起高翼結

亦蕩起

與嚴二歸奉禮別

別君誰煖眼將老病纏身出涕同斜日臨風看去塵商
歌還入夜巴俗自為鄰尚媿微軀在遙聞盛禮新山東
羣盜散闕下受降頻諸將歸應盡題書報旅人

三四

語悲

過南嶽入洞庭湖

洪波忽爭道岸轉異江湖鄂渚分雲樹衡山引舳艫翠
牙穿裊蔣碧節吐寒蒲病渴身何去春生力更無壞童
犁雨雪漁屋架泥塗歌側風帆滿微冥水驛孤悠悠迴
赤壁浩浩畧蒼梧帝子留遺恨曹公屈壯圖聖朝光御
極殘孽駐艱虞才淑隨所養名賢隱鍛鑪邵平元入漢
張翰後歸吳莫恠啼痕數危檣逐夜烏

舟中出江陵南浦奉寄鄭少尹審

更欲投何處飄然出此都形骸元土木舟楫復江湖社
稷纏妖氣干戈送老儒百年同棄物萬國盡窮途雨洗
平沙淨天衝濶岸紆鳴蜩隨泛梗別燕赴秋菰棲託難
高臥饑寒迫向隅寂寥相煦沫浩蕩報恩珠溟漲鯨波
動衡陽鴈影徂南征問懸榻東逝想乘桴濫竊商歌聽
時憂卞泣誅經過憶鄭驛斟酌旅情孤

行次昭陵

太宗陵也在
醴泉縣西

舊俗疲庸主羣雄問獨夫
識歸龍鳳質威定虎狼都
天屬尊堯典神功協禹謨
風雲隨絕足日月繼高衢
文物多師古朝廷半老儒
直詞寧戮辱賢路不崎嶇
往者災猶降蒼生喘未蘇
指麾安率土蕩滌撫洪爐
壯士悲陵邑幽人拜鼎湖
玉衣晨自舉鐵馬汗常趨
松柏瞻虛殿塵沙立暝途
寂寥開國日流恨滿山隅

三四高麗典則玉
衣二語恍惚如在

重經昭陵

草昧英雄起謳歌歷數歸風塵三尺劔社稷一戎衣翼
亮貞文德丕承戢武威聖圖天廣大宗祀日光輝陵寢
盤空曲熊羆守翠微再窺松柏路還見五雲飛

冬日洛城北謁玄元皇帝廟

自注云廟有吳道子畫五聖圖按

玄元皇帝李老君也天寶初降于丹鳳門之通衢告錫靈符在尹喜之故宅上遣使得之乃置玄元廟于天寧坊五聖圖高祖太宗高宗中宗睿宗也

配極玄都闕憑高禁籞長守祧嚴具禮掌節鎮非常碧
瓦初寒外金莖一氣旁山河扶繡戶日月近雕梁仙李

盤根大荷蘭奕葉光世家遺舊史道德付今王畫手看
前輩吳生遠擅場森羅移地軸妙絕動宮牆五聖聯龍
袞千官列鴈行冕旒俱秀發旌旆盡飛揚翠栢深留景
紅梨迴得霜風箏吹玉柱露井凍銀牀身退卑周室經
傳拱漢皇谷神如不死養拙更何鄉

精
渾

謁先主廟

慘淡風雲會乘時各有人力侷分社稷志屈偃經綸復

漢留長策中原仗老臣
雜耕心未已嘔血事酸辛
霸氣西南歇雄圖歷數屯
錦江元過楚劒閣復通秦
舊俗存祠廟空山泣鬼神
虛簷交鳥道枯木半龍鱗
竹送清谿月苔移玉座春
閭閻兒女換歌舞歲時新
絕域歸舟遠荒城繫馬頻
如何對搖落況乃久風塵
孰與關張並功臨耿鄧親
應天才不小得士契無鄰
遲暮堪帷幄飄零且釣緡
向來憂國淚寂寞灑衣巾

語氣渾渾若論武侯選可贊得伯仲之間見
伊呂指揮若定失蕭曹武侯當此未為云過

江陵望幸

雄都元壯麗望幸歛威神地利西通蜀天文北照秦風
煙含越鳥舟楫控吳人未枉周王駕終期漢武巡甲兵
分聖旨居守付宗臣早發雲臺仗恩波起涸鱗

千秋節有感

自罷千秋節頻傷八月來先朝常晏會壯觀已塵埃鳳
紀編生日龍池塹劫灰湘川新涕淚秦樹遠樓臺寶鏡
羣臣得金吾萬國迴衢樽不重飲白首獨餘哀

傷春

自注云巴閱僻遠傷春
罷始知春前已收宮闕

天下兵雖滿春光日自濃
西京疲百戰北闕任羣兇
塞三千里煙花一萬重
蒙塵清露急御宿且誰供
殷復前王道周遷舊國容
蓬萊足雲氣應合總從龍

日月還相關星辰屢合圍
不成誅執法焉得變危機
大角纏兵氣鈎陳出帝畿
煙塵昏御道耆舊把天衣
行在諸軍闕來朝大將稀
賢多隱屠釣王肯載同歸

耆舊一語

最是沉摯

再有朝廷亂難知消息真近傳王在洛復道使歸秦奪
馬悲公主登車泣貴嬪蕭關迷北上滄海欲東巡敢料
安危體猶多老大臣豈無嵒紹血霑灑屬車塵

敢料安危體猶多老大

臣大家數語自有體

聞說初東幸孤兒却走多難分太倉粟競棄魯陽戈胡
虜登前殿王公出御河得無中夜舞誰憶大風歌春色
生烽燧幽人泣薜蘿君臣重修德猶足見時和

懇款悱惻

是其所長

遣悶

地濶平沙岸舟虛小洞房使塵來驛道城日避烏檣暑
雨留蒸濕江風借夕涼行雲星隱見疊浪月光芒螢鑿
緣帷徹蛛絲胃鬢長哀箏猶凭几鳴笛竟霑裳倚著如
秦贅過逢類楚狂氣衝看劍匣穎脫撫錐囊妖孽關東
臭兵戈隴右創時清疑武畧世亂跼文場餘力浮于海
端憂問彼蒼百年從萬事故國耿難忘

到村

碧澗雖多雨秋沙先少泥蛟龍引子過荷芰逐花低老
去參戎幕歸來散馬蹄稻梁須就列榛草即相迷蓄積
思江漢頑疎感町畦暫酬知己分還入故林栖

頑疎感町畦一
語最自善喻

喜聞官軍已臨賊境二十韻

胡虜潛京縣官軍擁賊壕鼎魚猶假息穴蟻欲何逃
帳殿羅玄冕轅門照白袍秦山當警蹕漢苑入旌旄
路失羊腸險雲橫雉尾高五原空壁壘八水散風濤
今日看

天氣遊寬貸爾曹乞降那更得尚詐莫徒勞元帥歸龍
種司空握豹韜前軍蘇武節左將呂虔刀兵氣回飛鳥
威聲沒巨螯戈鋌開雪色弓矢向秋毫天步艱方盡時
和運更遭誰云遺毒螫已是沃腥臊睿想丹墀近神行
羽衛牢花門騰絕漠拓羯渡臨洮此輩感恩至羸俘何
足操鋒先衣染血騎突劔吹毛喜覺都城動悲連子女
號家家賣釵釧準擬獻春醪

春歸

苔逕臨江竹茅簷覆地花別來頻甲子歸到忽春華倚
杖看孤石傾壺就淺沙遠鷗浮水靜輕燕受風斜世路
雖多梗吾生亦有涯此身醒復醉乘興即歸家

應手處覺其
談笑而成

奉觀嚴鄭公廳事岷山沱江畫圖十韻

沱水臨中坐岷山到北堂白波吹粉壁青嶂挿雕梁直
訝杉松冷蕪疑菱苻香雪雲虛點綴沙草得微茫嶺鴈
隨毫末川蛻飲練光霏紅洲藥亂拂黛石蘿長暗谷非

關雨丹楓不為霜秋成玄圃外景物洞庭傍繪事功殊
絕幽襟興激昂從來謝太傅丘壑道難忘

哭王彭州掄

執友驚淪沒斯人已寂寥新文生沈謝異骨降松喬北
部初高選東堂早見招蛟龍纏倚劍鸞鳳夾吹簫歷職
漢庭久中年胡馬驕兵戈間兩觀寵辱事三朝蜀路江
干窄彭門地里遙解詭生碧草諫獵阻青霄頃壯戎麾
出叨陪幕府要將軍臨氣候猛士塞風颭井滌泉誰汲

烽疎火不燒前籌多自暇隱几接終朝翠石俄雙表寒
松竟後凋贈詩馬敢墜染翰欲無聊再哭經過罷離寬
去住銷之官方玉折寄葬與萍漂曠望渥洼道霏微河
漢橋夫人先即世令子各清標巫峽長雲雨秦城近斗
杓馮唐毛髮白歸興日蕭蕭

七言排律

題鄭十八著作文

台州地僻海冥冥雲水長和島嶼青亂後故人雙別淚

春深逐客一浮萍酒酣嬾舞誰相拽詩罷能吟不復聽
第五橋東流恨水皇陂岸北結愁亭賈生對鵬傷王傅
蘇武看羊陷賊庭可念此公懷直道也需新國用輕刑
禰衡實恐遭江夏方朔虛傳是歲星窮巷悄然車馬絕
案頭乾死讀書螢

清明

此身飄泊苦西東右臂偏枯半耳聾寂寂繫舟雙下淚
悠悠伏枕左書空十年蹴鞠將雛遠萬里鞦韆習俗同

旅鴈上雲歸紫塞
家人鑽火用青楓
秦城樓閣煙花裏
漢主山河錦繡中
風水春來洞庭濶
白蘋愁殺白頭翁

七排二首覺
誦之有韻

五言絕句

武侯廟

遺廟丹青落空山
草木長猶聞辭後主
不復卧南陽

八陣圖

功蓋三分國
名成八陣圖
江流石不轉
遺恨失吞吳

志林云僕嘗夢見人云是杜子美謂僕曰世人多
誤會余八陣圖詩以為先生武侯欲與關羽復仇
故恨不能滅非也我意本謂吳蜀唇齒之國不當
相圖晉之所以能取蜀者以蜀有吞吳之意此為
耳恨

絕句

遲日江山麗春風花草香
泥融飛燕子沙暖睡鴛鴦

七言絕句

重贈鄭鍊絕句

鄭子將行罷使臣囊無一物獻尊親
江山路遠羈離日

裘馬誰為感激人

投簡梓州幕府兼簡韋十郎

幕下郎官安穩無從來不奉一行書
因知貧病人須棄能使韋郎跡也疎

書堂飲既夜復邀李尚書下馬月下賦絕句

湖水林風相與清
殘尊下馬復同傾
久拚野鶴如雙鬢
遮莫鄰雞下五更

江畔獨步尋花

黃師塔前江水東春光懶困倚微風桃花一簇開無主
可愛深紅間淺紅

老性風
騷自別

黃四娘家花滿蹊千朵萬朵壓枝低留連戲蝶時時舞
自在嬌鶯恰恰啼

江南逢李龜年

岐王宅裏尋常見崔九堂前幾度聞

自注云崔九即殿
中監崔滌中書令

子正是江南好風景落花時節又逢君

絕句漫興

手種桃李非無主
野老牆低還是家
恰似春風相欺得
夜來吹折數枝花

不受摧折意欲
與造化爭衡

腸斷春江欲盡頭
杖藜徐步立芳洲
顛狂柳絮隨風舞
輕薄桃花逐水流

傲視
時物

懶慢無堪不出村
呼兒自在掩柴門
蒼苔濁酒林中靜

碧水春風野外昏

自處

深高

糝徑楊花鋪白氈
點谿荷葉疊青錢
笋根稚子無人見
沙上鳧雛傍母眠

戲為絕句

庾信文章老更成
凌雲健筆意縱橫
今人嗤點流傳賦
不覺前賢畏後生

絕句

楸樹馨香倚釣磯
斬新花葉未應飛
不知醉裏風吹盡
可忍醒時雨打稀

種情

自異

唐詩鏡卷二十七

欽定四庫全書

唐詩鏡卷二十八

明 陸時雍 編

盛唐第二十

元結

字次山瀋州人少不羈年十七始折節向學天寶中舉進士蘇源明薦於肅宗上時議三篇乃攝監

察御史發宛葉軍屯泌陽全十五城帝善之代宗時侍親歸樊上後拜道州刺史進容管經畧使民樂其教結著書稱元子避亂入猗玗洞稱猗玗子後徙家瀋稱浪士及有官呼漫郎客樊上更為聲史又稱漫史

五言古詩

忝官引

天下昔無事僻居養愚鈍山野性所安熙然自全順忽
逢暴兵起閭巷見軍陣將家瀛海濱自棄同芻糞往在
乾元初聖人啓休運公車詣魏闕天子垂清問敢誦王
者箴亦獻當時論朝廷愛方直明主嘉忠信屢授不次
官曾與專征印兵家未曾學榮利非所徇偶得兇醜降
功勞愧方寸爾來將四歲慙恥言可盡請取寃者辭為
吾忝官引寃辭何者苦萬邑餘灰燼寃辭何者悲生人

盡鋒刃寃辭何者甚力役遇勞困寃辭何者深孤弱亦
哀恨無謀救寃者祿位安可近而可愛軒裳其心又干
進此言非所戒此言敢貽訓實欲辭無能歸耕守吾分

元結詩每有真
性淺而可諷

春陵行

癸卯歲漫吏授道州刺史道州舊四萬餘戶經賊以
來不滿四千大半不勝賦稅到官未五十日承諸使
徵求符牒二百餘封皆曰失其限者罪至貶削於戲

若悉應其命則州縣破亂刺史欲焉逃罪若不應命
又即獲戾必不免也吾將守官靜以安人待罪而已
此州是舂陵故地故作舂陵行以達下情

軍國多所需切責在有司有司臨郡縣刑法競欲施供
給豈不憂徵斂又可悲州小經亂亡遺人實困疲大鄉
無十家大族命單羸朝餐是草根暮食仍木皮出言氣
欲絕意速行步遲追呼尚不忍況乃鞭撲之郵亭傳急
符來往跡相追更無寬大恩但有迫促期欲令鬻兒女

言發恐亂隨悉使索其家而又無生資聽彼道路言怨
傷誰復知去冬山賊來殺奪幾無遺所願見王官撫養
以惠慈奈何重驅逐不使存活為安人天子命符節我
所持州縣忽亂亡得罪復是誰逋緩違詔令蒙責固其
宜前賢重守分惡以禍福移亦云貴守官不愛能適時
顧惟孱弱者正直當不虧何人采國風吾欲獻此辭

賊退示官吏

有序

癸卯歲西原賊入道州焚燒殺掠幾盡而去明年賊

又攻永破郃不犯此州邊鄙而退豈力能制敵歟蓋蒙其傷憐而已諸使何為忍苦徵斂故作詩一篇以

示官吏

昔歲逢太平山林二十年泉源在庭戶洞壑當門前
稅有常期日晏猶得眠忽然遭世變數歲親戎旃
今來典斯郡山夷又紛然城小賊不屠人貧傷可憐
是以陷鄰境此州獨見全使臣將王命豈不如賊馬
今彼徵斂者迫之如火煎誰能絕人命以作時世賢
思欲委符節

引竿自刺船將家就魚麥歸老江湖邊

招陶別駕家陽華作

海內厭兵革騷騷十二年陽華洞中人似不知亂馬誰
能家此地終老可自全草堂背巖洞幾峯軒戶前清渠匝
庭堂出門仍灌田半崖盤石徑高亭臨極顛引望見何
處迤逶隴北川杉松幾萬株蒼蒼滿前山巖高暖華陽
飛溜何潺潺洞深迷遠近但覺多洄淵晝遊興未盡日
暮不欲眠探燭飲洞中醉昏漱寒泉始知天下心耽愛

各有偏陶家世高逸公忍不獨然無或畢婚嫁竟為俗務牽

喻灤谿鄉舊遊

往年在灤濱灤人皆忘情今來遊灤鄉灤人見我驚我心與灤人豈有辱與榮灤人異其心應為我冠纓昔賢惡如此所以辭公卿貧窮老鄉里自休還力耕況曾經逆亂日厭聞戰爭尤愛一谿水而能存讓名終當來其濱飲啄全此生

登白雲寺

出門見南山喜逐松徑行窮高欲極遠始到白雲亭長
山繞井邑登望宜新晴洲渚曲湘水縈迴隨郡城九疑
千萬峯嶸嶸天外青煙雲無遠近皆傍林嶺生俯視松
竹間石水何幽清涵映滿軒戶娟娟如鏡明何人病惛
濃積醉且未醒與我一登臨為君安性情

七言古詩

宿洄谿翁宅

長松萬株逸茅舍怪石寒泉近巖下老翁八十猶能行
將領兒孫行拾稼吾羨老翁居處幽吾愛老翁無所求
時俗是非何足道得似老翁吾即休

七言絕句

欵乃曲

有序

大厯丁未中漫叟以軍事詣都使還州逢春水舟行
不進作欵乃五首令舟子唱之蓋欲取適於道路耳詞

曰

湘江二月春水平，滿月和風宜夜行。
唱棹欲過平陽戍，守吏相呼問姓名。

蕭頴士

字茂挺，與李華齊名。疏蕭李開元中登進士第，補祕書正字。聰警絕倫，嘗讀路側古碑，一閱即能誦之。名播天下，新羅使入朝，言國人願得蕭夫子為師，其名動華夷。如此終以誕傲褊忿，因躓而卒。門人私謚文元先生。

四言古詩

江有楓一篇十章

并序

江有楓思陸鄭二友，吳會舊遊且疾，讒也。臣宦于尹。

府以直方不偶見逼讒佞惟古之賢者有避色避言之義矯然去之二室之間有械樹焉與江南楓形胥類憩于其下而作是詩以貽夫二三子焉

江有楓其葉蒙蒙我友自東予以遊從山有械其葉漠漠我友徂北予以休息想彼械矣亦類其楓矧伊懷人而忘其東東可遊矣會之丘矣于山于水于廟于寺于亭于里君子遊焉予以宴喜其樂疊疊粵東可居彼吳之墟有田有庭有朋有書有尊有魚君子居焉惟以宴醕

其樂徐徐我朋在矣彼陸之子

也

如松如杞淑問不已

我友于征彼鄭之子

也

如琇如英德音孔明我思震澤

菱芡幕幕寤寐如覲我思剡谿杉篠萋萋寤寐無迷有
鳥有鳥粵鷗與鷺浮湍戲渚皓然潔素忘其猜妬彼何
人斯曾足傷懼此懼惟何懼寘于羅彼驕者子讒言孔
多我聞先師體命委和公伯之愬則如予何悵然山河
惟以嘯歌其憂也哉

仿佛
風餘

李華

文苑傳云字遐叔趙郡人善屬文與蕭穎士友善開元中進士擢第累轉侍御史禮吏二部員外祿

山陷京師扈從不及陷賊署偽官收京後貶官廢于家卒華嘗為元德秀墓碑顏真卿書李陽冰篆額時

號三
純

五言古詩

寄趙七侍御

并序

自餘干谿行經弋陽至上饒山川幽麗思與雲卿同
遊邀不可得因叙疇年之素寄懷於篇云

搖槩曙江流江清山復重心愜賞未足川迴失前峯凌

灘出極浦曠若天池通君陽青嵯峨開折混元中九潭

魚龍窟仙成羽人宮陰與潛鬼物精光動煙空玄猿啼

深龍

楚越謂竹樹深者為龍

白鳥戲葱蒙飛湍鳴金石激溜鼓雷

風雨濯萬木鮮霞照千山濃草間長餘綠花靜落幽紅

渚煙見晨釣山月聞夜舂覆谿窈窕波涵石淘溶溶丹

丘忽聚散素壁相奔衝白日破昏靄靈山出其東勢排

昊蒼上氣壓吳越雄迴頭望雲卿此恨發吾衷昔日蕭

邵遊

蕭頴士
邵珍

四人纔成童屬詞慕孔門入仕希上公緯

卿陷非罪折我昆吾鋒

邵字緯卿以冤橫貶卒南中

茂挺獨先覺拔

身渡京虹斯人謝明代百代墜鴻鴻

蕭天寶末知亂棄官往江東殯蔡先

人逝于江南

世故墜橫流與君哀路窮

逆胡陷兩京子與趙受辱賊中

相顧

無死節蒙恩遂殊封

華貶杭州司功趙貶泉州晉江尉

天波洗其瑕朱

衣備朝容

華承恩累遷尚書郎趙拜補闕御史

一別凡十年豈期復相從

餘生得攜手遺此兩孱翁羣遷失鶯羽後凋惜長松衰

旅難重別悽悽滿心胸遇勝悲獨遊貪竒悵孤逢禽尚

彼何人胡為束樊籠吾師度門教授弁躡遐蹤

詞意

磊落

附春行寄興 宜陽城下草萋萋
澗水東流復向西
芳樹無人花自落
春山一路鳥空啼
無人花自落語

似重

疊

嚴武

本傳云字李膺中書侍郎挺之子神氣儁朗敏
於見聞弱冠哥舒翰奏克判官遷侍御史至德中

累為劍南東川節度成都尹兼御史大夫尋遷黃門
侍郎復拜成都尹劍南節度等使廣德中破吐蕃改

檢校吏部尚
書封鄭國公

七言絕句

軍城早秋

昨夜秋風入漢關朔雲邊雪滿西山更催飛將追驕虜
莫遣沙場匹馬還

奚賈

常建同
時人

五言律詩

尋許山人亭子

桃源若遠近漁子棹輕舟川路行難盡人家到漸幽山
禽拂席起溪水入庭流君是何年隱如今成白頭

附眠澗花自落步林鳥不飛
附落日下平楚孤煙生洞庭

李康成

經集考云天寶中與李杜同時撰玉臺後集

七言古詩

采蓮曲

采蓮去月沒春江曙翠鈿紅袖水中央
青荷蓮子雜衣香雲起風生歸路長
歸路長那得久各迴船兩搖手

五言絕句

自君之出矣

自君之出矣絃吹絕無聲
思君如百草撩亂逐春生

附張巡聞笛 峯光試一臨虜騎附城陰不辨風塵
色安知天地心營開邊月近戰苦陣雲深旦夕更樓

上選聞橫笛音
第六句入微

顏真卿

本傳云字清臣瑯琊人少勤學業有詞藻尤工
書開元中舉進士事親以孝聞累遷侍御史武

部員外不附楊國忠出為平原太守祿山反河朔盡
陷平原獨守肅宗幸靈武授工部尚書至德初朝於
鳳翔授憲部尚書累進封魯郡公以忤宰相意出刺
撫州湖州元載伏誅拜刑部尚書改太子太師李希
烈反盧杞奏遣真卿
往諭之不屈遇害

三言詩

三言擬五雜組二首

五雜組繡與錦往復還興又寢不得已病伏枕
五雜組甘鹹醋往復還烏與兔不得已韶光度

五言排律

刻清遠道士詩因而繼作

不到東山寺于今五十春
謁來從舊賞林壑宛相親
吳子多藏日秦王厭勝辰
劔池穿萬仞盤石坐千人
金氣騰為虎琴臺化若神
登壇仰生一捨宅歎珣珉
中嶺分雙樹迴巒絕四鄰
窺臨江海接崇飾四時新
客有神仙

者於茲雅麗陳名高，清遠峽文聚斗牛。津跡異心寧，聞聲同質豈均。悠然千載後，知我揖光塵。

詩家景必標勝，欲以聳觀如劍池，穿萬仞盤石坐千人，若不到虎丘，即不識詩家故態。

五言律詩

五言夜宴詠燈聯句

桂酒牽詩興，蘭缸照客情。

士修

詎慙珠秉朗，不讓月輪

明

張薦

破暗光初白，浮雲色轉清。

真卿

帶花疑在樹，比

燎欲分庭。

晝

顧已慙微照，開簾識近汀。

真卿

獨以音

亮得賞

附任華寄李白 古來文章有奔逸氣聳高格清人
心神驚人魂魄我聞當今有李白大鵬賦鴻猷文嗤
長御笑子雲班張所作瑣細不入耳未知卿雲得在
嗤笑限登廬山觀瀑布海風吹不斷江月照還明余
愛此二句登天台望渤海雲出大鵬飛山壓巨壑背
斯言亦好在至於他作多不拘常律振擺超騰既俊
且逸或醉中操紙或興來走筆手下忽然片雲飛眼
前劃見孤峯出而我有時白日忽欲昏昏覺歛然起
撲臂任生知有君君也知有任生未中間聞道在長
安及余戾止君已江東訪元升邂逅不得見君面每
常把酒向東望良久見說往年翰林胸中矛戟何
森森新詩傳在官人口佳句不離明主心身騎天馬
多意氣目送飛鴻對豪貴承恩召入凡幾迴侍詔歸
來仍半醉權臣妬盛名羣犬多吠聲有勅放君却歸

隱淪處高歌大笑出關去且向東山為外臣諸侯交
運馳來輪白壁一雙買交者黃金百鎰相知人平生
傲岸其志不可測數十年為客未嘗一日低顏色八
詠樓中坦腹眠五侯門下無心憶繁花越臺上細柳
吳宮側綠水青山知有君白雲明月偏相識養高兼
養閒可望不可攀莊周萬物外范蠡五湖間人傳訪
道滄海上丁令王喬每還往蓬萊徑是曾到來方丈
崖唯方一大伊余每欲求興遠相尋江湖擁隔勞寸
心今朝忽遇東飛翼寄此一章表胸臆

儻能報我以片言但訪任華有人識

又附寄杜拾遺 杜拾遺名甫第二才甚奇任生與
君別來已多時何嘗一日不相思杜拾遺知不知昨
日有人誦得數篇黃絹詞吾怪異奇特借問果然稱
是杜二之所為勢攫虎豹氣騰蛟螭滄海無風似鼓
蕩華嶽平地欲奔馳曹劉俯仰慙大敵沈謝逡巡稱
小兒昔在帝城中威名君一個諸人見所作無不心

膽破郎官叢裏作狂歌丞相閣中常醉卧前年皇帝
歸長安承恩濶步青雲端積翠扈遊花隘匝披香寓
直月團樂英才特達承天厖公卿無不相欽羨只緣
汲黯好直言遂使安仁却為掾如今避地錦城隅暮
下英寮每日相隨提玉壺半醉起舞將鬚鬢乍低乍
昂傍若無古人制禮但為防俗士豈得為君設之乎
而我不能飛不鳴亦何以只待朝廷有知己已曾讀却
無限書拙詩一句兩句在人耳如今看之總無
益又不能崎嶇傍朝市且當事耕稼豈得使徒爾南
陽葛亮為友朋東山謝安作鄰里間常把琴弄悶即
攜樽起鶯啼二月三月時花發千山萬山裏此時幽
曠無人知火急將書憑驛使為報杜拾遺 二詩粗
豪磊落可
壯人魄

張謂

字正言河南人登天寶二年進士第奉使長沙
嘗作長沙風土記大厯中為禮部侍郎典貢舉

七言古詩

代北州老翁答

負薪老翁往北州北望鄉關生客愁自言老翁有三子
兩人已向黃沙死如今小兒新長成明年聞道又徵兵
定知此別必零落不及相隨同死生盡將田宅借鄰伍
且復伶俜去鄉土在生本求多子孫及有誰知更辛苦
近傳天子尊武臣強兵直欲靜胡塵安邊自合有長策
何必流離中國人

張謂七言古風格矯
矯可配高逵夫一流

湖上對酒行

夜坐不厭湖上月
晝行不厭湖上山
眼前一樽又長滿
心中萬事如等閒
主人有黍百餘石
濁醪數斗應不惜
即今相對不盡歡
別後相思復何益
茱萸灣頭歸路賒
願君且宿黃公家
風光若此人不醉
參差辜負東園花

贈喬琳

去年上策不見收
今年寄食仍淹留
羨君有酒能使醉

羨君無錢能不憂如今五侯不愛容羨君不問五侯宅
如今七貴方自尊羨君不過七貴門丈夫會應有知己
世上悠悠何足論

磊落
披豁

五言律詩

玉清公主挽詞

學鳳年猶小乘龍日尚賒初封千戶邑忽駕五雲車地
接金人岸山藏玉女家秋風何太早吹落禁園花

七言律詩

春園家宴

南園春色正相宜，大婦同行少婦隨。
竹裏登樓人不見，花間覓路鳥先知。
櫻桃解結垂簷子，楊柳能低入戶枝。
山簡醉來歌一曲，參差笑殺郢中兒。

小巧
家數

附別韋郎中
星軺計日赴岷峩，雲樹連天阻笑歌。
南入洞庭隨鴈去，西過巫峽聽猿多。
崢嶸洲上飛黃蝶，澗壑堆邊起白波。
不醉郎中桑落酒，教人無奈別離何。

七言絕句

題長安主人壁

世人結交須黃金黃金不多交不深縱令然諾暫相許
終是悠悠行路心

哀世語

王季友

紀事云河南人按豫章圖經云鄴城人家貧賣履極博羣書李勉引為賓客甚敬之善為詩杜

甫詩云鄴城客
子王季友是也

五言古詩

還山留別長安知己

出山不見家還山見家在山前是門前此去長樵採青
谿誰招隱白髮自相待唯伴澗底松依依色不改

七言古詩

觀于舍人壁畫山水

野人宿在人家少朝見此山謂山曉半壁仍棲嶺上雲
開簾欲放湖中鳥獨坐長松是阿誰再三招手起來遲
于公大笑向予說小弟丹青能爾為

筆底

省淨

寇坦

開元
中人

五言律詩

同皇甫兵曹天官寺浴室新成招友人賞會

溫室歡初就蘭交托勝因共聽無漏法兼濯有為塵水
潔三空性香沾四大身清心多善友頌德慰同人

金昌緒

紀事云
餘杭人

五言絕句

春怨

一作蓋嘉運伊州歌者非也然此詩為嘉運所進編入樂府後乃誤為嘉運作耳

打起黃鶯兒莫教枝上啼啼時驚妾夢不得到遼西

古人在有意無意之間此却要作意做夢活意翻成死法矣此中便分出真假之別

殷遙

句容人天寶間終於忠王府曹參軍

五言古詩

山行

寂歷青山曉山行趣不稀
野花成子落江燕引雛飛
暗草薰苔徑晴楊掃石磯
俗人猶語此余亦轉忘歸

三四景色

淺淺自成

芮挺章

國子進士天寶初
編國秀集三卷

五言律詩

江南弄

春江可憐事最在美人家
鸚鵡能言鳥芙蓉巧笑花
地銜金作埒水抱玉為沙
薄晚青絲騎長鞭赴狹斜

薛奇童

國秀集云
大理司直

五言律詩

楚宮詞

禁苑春風起流鶯
繞合歡玉牕通日氣
珠箔捲輕寒楊
葉垂陰砌梨花入井
闌君王好長袖新作舞衣寬

五言絕句

吳聲子夜歌

淨掃黃金階飛霜皎如雪
下簾彈箜篌不忍見秋月

古意

張萬頃

國秀集
云進士

七言古詩

東谿待蘇戶曹不至

洛陽城東伊水西
千花萬竹使人迷
臺上柳枝臨岸低
門前荷葉與橋齊
日暮待君君不見
長風吹雨過青谿

有竹枝
楊柳意

豆盧復

七言絕句

落第歸鄉留別長安主人

客裏愁多不記春聞鶯始歎柳條新年年下第東歸去
羞見長安舊主人

樊晃

國秀集云
前進士

七言絕句

南中感懷

南路蹉跎客未回常嗟物候暗相催四時不變江頭草
十月先開嶺上梅

沈千運

篋中集序畧云近世作者更相沿襲流易為辭
吳興沈千運獨挺流俗之中強攘已溺之後凡

所為文皆與時異
後世稍見師效

五言絕句

古歌

北邙不種田但種松與栢
松栢未生處留待市朝客

古意

孟雲卿

平昌人第進士為校書郎與杜甫元結最善按元結送孟校書往南海詩序云雲卿與次山同

州里以辭學相友善又表郊甘澤謠云陶峴開元中與樊口進士孟雲卿奏清商曲於江湖號水仙是雲卿為武

昌人

五言古詩

古別離

朝日上高臺，離人怨秋草。但見萬里天，不見萬里道。君
行本迢遠，苦樂良難保。宿昔夢同衾，憂心常傾倒。含酸
欲誰訴，輾轉傷懷抱。結髮年已遲，征行去何早。寒暄有
時謝，憔悴難再好。人皆算年壽，死者何曾
期。水深風浩浩。

人皆算年壽，死者何曾
老苦刻古人道不到此

韋建

與蕭穎士遊
見穎士傳

五言律詩

泊舟盱眙

泊舟淮水次霜降夕流清
夜久潮侵岸天寒月近城
平沙依鴈宿候館聽雞鳴
鄉國雲霄外誰堪羈旅情

天寒月近城
稍有韻致

張志和

隱逸傳云字子同金華人始名龜齡母夢楓生
腹上而產擢明經肅宗命待詔翰林因賜今名

後坐貶不復仕居江湖自稱煙波釣徒
著玄真子亦以自號時謂嚴光之比

七言律詩

漁父

八月九月蘆花飛南谿老人垂釣歸秋山入簾翠滴滴
野艇倚檻雲依依却把漁竿尋小逕閒梳鶴髮對斜暉
翻嫌四皓曾多事出為儲皇定是非

三四清縱

結意不老

獨孤及

唐書云字至之洛陽人為兒時讀孝經父試之
曰兒志何語對曰立身行道揚名於後世宗黨

奇之天寶中以道舉高第補華陰尉歷官左拾遺禮
部員外濠舒二州刺史以治課加司封郎中賜金紫

徙常州卒

謚曰憲

五言古詩

海上寄蕭五

朔風剪塞草寒露日夜結行行到瀛壖歸思生暮節驛
樓見萬里延首望遼碣遠海入大荒平蕪際窮髮舊國
在夢想故人胡且越契濶阻風期荏苒成雨別海西望
京口兩地各天末索居動經秋載笑知曷月日南望中
盡唯見飛鳥滅音塵未易得何由慰饑渴

及詩語

氣凝重

客舍月下對酒醉後寄畢四耀

鄉路風雪深生事憂患迫
天長波瀾廣高舉無六融
獨立寒夜移幽境思彌積
霜月照膽淨銀河入蒼白
沽酒聊自勞開樽坐蒼隙
主人奏絲桐能使高興劇
清機暫無累獻酢更絡繹
慷慨爲天歌惜惜廣陵陌
既醉萬事遺耳熱心亦適
視身兀如泥瞪目傲今昔
故人問城闕音信兩脈脈
別時前盟在寸景莫自擲

先是畢贈及詩云洪鑪無火停

日月速若飛忽然行
人身飲酒不須疑

心與白日鬪十無一滿百寓形薪

火內甘作天地客與物無親疎斗酒勝竹帛何必用自
苦將貽古賢責

下弋陽江舟中代書寄裴侍御

故鄉隔西日去水連長天前路知幾許但指天南邊愴
恨極浦外隱映青山連東風滿帆來五兩如弓弦遙羨
緇衣客回然馬首先得餐武昌魚不顧潯陽田屈指數
別日忽乎成兩年百花已滿眼青草漸碧鮮豈是離居

時奈何于役牽洞庭有深涉蜀日期歸旋且作異鄉料
詎知攜手緣離憂未易銷莫道樽酒賢

東風二

語趣

訓皇甫侍御望夫瀛山見示之作

早歲慕五嶽嘗為塵機礙孰知天柱峯今與郡齋對隱
嶙抱元氣氤氳含青靄雲崖媚遠空石壁寒古塞漢皇
南遊日望秩此昭配法駕到谷口禮容振荒外焚柴百
神趨執玉萬方會天旋物順動德布澤霽霈講武威已

耀學仙功未艾黃金竟何成洪業遽淪昧度世若一瞬
昨朝已千載如今封禪壇唯見雲雨晦長望哀往古勞
生慙大塊清暉宰相娛幽獨知所賴寒城春方正初月
明可愛萬殊喜陽和余亦荷時泰山色日夜綠下有清
淺瀨愧作拳僂人沈迷簿書內登臨歎拘限出處悲老
大沈聽郢中曲復識湘南態思免物累牽敢令道機退
瞞然誦佳句持此秋蘭佩

厚氣

寒夜谿行舟中作

日沈諸山昏寂歷羣動宿孤舟獨不繫風水夜相逐雲
歸恒星白霜下天地肅月輪大如盤金波入空谷魏闕
萬里道羈念千慮束倦飛思故巢敢望梧與竹沈吟登
樓賦中夜起三復憂來無良方歸候春酒熟

山中春思

懶祭川水大人家春日長獨謠晝不暮搔首慚年芳靡
草知節換含葩向新陽不嫌三徑深為我生池塘亭午

井甃閒雀聲響空
倉花落沒履齒風
動羣木香歸路雲
水外天涯杳茫茫
獨卷萬里心深入
山鳥行芳景勿相
迫春愁未遽忘

風趣
最饒

七言古詩

雨後公超谷北原
眺望寄高拾遺

崖口雨足收清光
洗高天虹蜺斂殘
靄山水含碧鮮遠
空霞破露月輪薄
雲片片成魚鱗五
陵如薺渭如帶日

極千里關山春朝來爽氣未易說畫取花峯贈遠人

自東都還濠州奉詔王八諫議見贈

關西仕時俱稚容彪彪之鬢始相逢天地變化縣城改

天寶中及尉華陰鄭縣別後經稜山之亂鄭縣殘毀城移于州西

獨有故人交態在不

言會合跡未并猶似歲寒心相待洛陽居守寄鄴侯君
着貂冠參運籌高閣連雲騎省夜新文會友涼風秋青
袍白面昔攜手冉冉府趨君記否雲分雨散十五年始
得一笑樽酒前未遑少留驟遠別況值旅鴈鳴秋天二

華舊遊如夢想他時再又何由緣賴君贈我郢中曲別
後相思被管絃

同岑郎中屯田韋員外花樹歌

東風動地吹花發渭城桃李千樹雪芳菲可愛不可留
武陵歸客心欲絕金華省郎惜佳辰祇持棣萼照青春
君家自是成蹊處況有庭花作主人

和李尚書畫射虎圖歌

饑虎呀呀立當路萬夫震恐百獸怒彤弓金鏃當者誰

鳴鞭飛控流星馳居然畫中見真態若務除惡不顧私
時和年豐五兵已白額未誅壯士恥分銖遠邇懸轂中
不中不發思全功捨矢如破石可裂應絃盡敵山為空
殺氣滿堂觀者駭颯若崖谷生長風精微入神在毫末
作績造物可同功方叔秉鉞受命新丹青起予氣益振
底綏靜難巧可擬嗟歎不足聲成文他時代天育萬物
亦以此道安斯民

持滿
而發

和贈遠

憶得去年春風至中庭桃李映瓊牕美人挾瑟對芳樹
玉顏亭亭與花雙今年新花如舊時去年美人不在茲
借問離居恨深淺祇應獨有庭花知

七言律詩

同皇甫侍御齋中春望見示之作

望遠思歸心易傷況將衰鬢偶年光時攀芳樹愁花盡
晝掩高齋厭日長甘比流波辭舊浦忍看新草遍橫塘

因君贈我江楓詠春思于今未易量

寄情
深際

冷朝光

萬首唐絕
作後朝光

七言絕句

越谿怨

越王宮裏如花人
越水谿頭采白蘋
白蘋未盡人先盡
誰見江南春復春

絕快
絕雋

王偃

七言絕句

明君詞

北望單于日半斜
明君馬上泣胡沙
一雙淚滴黃河水
應得東流入漢家

荆叔

五言絕句

題慈恩塔

漢國山河在秦陵草樹深暮雲千里色無處不傷心

楊達

五言律詩

塞下

秋日并州路黃榆落故關孤城吹角罷數騎射鵬還帳
幕遙臨水牛羊自下山行人正垂淚烽火起雲間

邢巨

五言律詩

遊春

海岳三峯古春皋二月寒綠潭漁子釣紅樹美人攀弱
蔓環沙嶼飛花點石關谿山遊未厭琴酌弄晴灣

三四艷色天成
髣髴陳隋餘致

開元名公

七言絕句

裴給事宅白牡丹

西陽雜俎云開元末裴士淹為郎官奉使幽薊回
至汾州衆香寺得白牡丹一窠植於長興私第天

實中為都下奇賞當時名公有裴給事
宅看牡丹尋訪未獲一本有詩云云

長安豪貴惜春殘爭賞新開紫牡丹
別有玉盤承露冷
無人起就月中看

太上隱者

五言絕句

荅人

偶來松樹下高枕石頭眠
山中無厯日寒盡不知年

僧雲表

七言絕句

寒食

寒食悲看郭外春
野田無處不傷神
平原壘壘傷新塚
半是去年來哭人

末句
痛感

僧景雲

七言絕句

畫松

畫松一似真松樹且待尋思記得無曾在天台山上見
石橋南畔第三株

末二語有野意
自是僧家語致

僧皎然

姓謝字清晝湖州
人靈運十世孫

七言絕句

晚秋破山寺

秋風落葉滿空山古殿殘燈石壁間昔日經行人去盡
閒雲夜夜自飛還

塞下曲

寒塞無因見落梅
胡人吹入笛聲來
勞勞亭上春應度
夜夜城南戰未回

江妃

梅妃外傳云名采蘋莆田人玄宗妃也開元中高力士選歸侍明皇大見寵幸善屬文自比謝女性

喜梅所居悉植梅上因其所好戲名梅妃太真入侍寵愛日奪竟為楊氏遷于上陽東宮

七言絕句

謝賜珍珠

外傳云上在花萼樓封珍珠一斛密賜妃妃不受進詩云云

桂葉雙眉久不描
殘粧和淚濕紅綃
長門盡日無梳洗
何必珍珠慰寂寥

後二語自
是痛腸

林氏

韓彥
輔母

五言排律

送男彥輔左貶

他日初投杼勤王在隱兵
有辭期不罰積意許相仍
謫宦今何在銜冤猶未勝
天涯分越徼驟騎速毗陵
腸斷

腹非苦書傳寫豈能淚添江水遠心劇海雲蒸明月珠
難識甘泉賦可稱但將忠報主何懼點青繩

趙氏

寇坦
母

五言古詩

擬古意三首

鬱蒸夏將半暑氣扇飛閣驟雨滿空來當軒捲羅幙度
雲開夕霽宇宙何清廓明月流素光輕風換炎爍孤鸞
傷對影瑤琴悲別鶴君子去不還妾心欲何托

金菊延清霜玉壺多美酒良人久不歸芳菲豈常有不
惜芳菲歇但傷離別久含情罷斟酌凝怨對窻牖

霽雪舒長墅寒雲半幽谷嚴霜抱枯條疏猿抱冰木所
嗟遊宦子少小荷天祿前程未云至悽愴對車僕歲寒
成詠歌日暮棲林曲不憚行路險空悲年運促

張文姬

鮑參軍妻

五言絕句

漢口雲

一片溪口雲纔向溪中吐不復歸溪中還作溪中雨

趣甚

俏甚

沙上鷺

沙頭一水禽鼓翼揚清音只待高風便非無雲漢心

張窈窕

七言絕句

寄故人

淡淡春風花落時不堪愁望更相思無金可買長門賦

有恨空吟團扇詩

後二語殊

有俏情

唐詩鏡卷二十八